

## **Polelo ya Baphatlalatši ba Ditaba**

### **SARS E ŠOMA MMOGO LE DITSEBI TŠA MOTŠHELO GO MAATLAFATŠA OBAMELO KA BOITHAOPO**

**27 Agosetose 2025** — Go latela tebo ya leano la SARS la go šoma le baswarakabelo go kaonafatša mokgwatšhomo wa motšhelo, Khomišinare Kieswetter le sehlopha sa gagwe ba swere kopano le Foramo ya Ditheo tša Taolo tšeo di Tsebegago. Ye ke platfomo ya leano la dipoledišano magareng ga SARS le Ditheo tša Taolo tšeo di Tsebegago (RCBs). SARS e lebelala ditherišano tše bohlokwa go Mošomo wa Boineelo: go kgontšha Mmušo go aga maemo a mabotse a go direla MaAfrika Borwa.

Ketapele ya Ditheo tša Taolo tšeo di Tsebegago e akaretša South African Institute of Taxation (SAIT); South African Institute of Chartered Accountants (SAICA); South African Institute of Public Accountants (SAIPA); Institute of Accounting and Commerce (IAC); Chartered Institute of Business Accountants (CIBA); Legal Practice Council (LPC); Chartered Government Institute of Southern Africa (CGISA); Financial Planning Institute (FPI); Chartered Institute of Management Accounting (CIMA); le Association of Chartered Certified Accountants (ACCA).

Maikarabelo le taolelo ya Ditheo tša Taolo tšeo di Tsebegago a thekgwa ke molao, kudu go Karolo 18 ya Taolo ya Molao wa Motšhelo. Ditheo tša Taolo tšeo di Tsebegago (di swanetše go hlokomela maitshwaro a ditsebi tša bona tša motšhelo go swarelela tshepho le potegelo ya mokgwatšhomo wa motšhelo. “Bjale ka ge re holofela go tšwa go rena, le bašomi ba rena, maitshwaro a Ditsebi tša Motšhelo, a swanetše go se be le bosodi” gwa bolela Khomišinare Kieswetter. Ditsebi tša motšhelo ke dikgontšhi tše bohlokwa tša mokgwatšhomo wa ditšhelete le bodudi bja ditšhelete tša naga. Ka go tlhahla balefela motšhelo, ba tloga ba raloka karolo ya gare ga maikemišetšo a leano la SARS la go tšwetšapele obamelo ka boithaopo. Bjale ka batseta ba obamelo ya motšhelo, merero ya metšhelo ya ditsebi tša motšhelo e swanetše go obamela.

SARS le Ditheo tša Taolo tšeo di Tsebegago (di tšhentšhane ka ditherišano tša kgonthe le maatlafatšo tša mabapi le merero e bohlokwa yeo e di amago. Ba dumelane gore SARS e swanetše go fa ditsebi tša motšhelo hlaloso ya hlathollo le tiišetšo ya boitlamo bja bona, le go ba nolofaletša obamelo, kudu mabapi le ngwadišo ya dikgwebo tša bona gammogo le mphsafatšo ya bona yeo e tšwetšwago pele ya tiišetšo. SARS e hlohleleditše Ditheo tša Taolo tšeo di Tsebegago (go hwetša tumelelo ya maloko a bona ya kabelo ya maemo a obamelo.

Kopano e tiišeditše bohlokwa bjo bogolo bja karolo yeo e bapalwago ke SARS, ka tsela ye, kabelo ya profešene ye ke phethagalo ya tagafara ya setheo se go koleka metšhelo yeo e kolotwago, go kgonthiša obamelo ka botlalo le molao wa motšhelo le khasetomo, go šireletša mellwane ya rena, le go nolofatša kgwebišano ya maleba.

Bjale ka balaodi mmogo ba ditsebi tša motšhelo le khasetomo, Ditheo tša Taolo tšeo di Tsebegago (di na le maikarabelo ao e sego fela go obamela melao ya motšhelo le khasetomo ka bobona, eupša go thuša maloko a bona ao e lego ditsebi, le balefela motšhelo bao di ba direlago go obamela. Gomme go dira bjalo ntle le go fiega goba kgethollo ka mokgwa wo o tla dulago e le wa seprofešenale, le maitshwaro a mabotse.

## **Go išapele**

Kamano ye ya leano magareng ga SARS le Ditheo tša Taolo tšeo di Tsebegago (, ke go kaonafatša maemo a obamelo le go oketša ditseno, kudu go dipušetšo tšeo di šaletšego le dikoloto tšeo di bego e le kgale di kolotwa. Tšwelelo ya kgwebokgwerano ye e kgonthiša mokgwatšhomo wa motšhelo wa kgonagalo fao balefela motšhelo ba lefelago seo se letetšwego go bona go ya ka molao, gore morwalo e e se ke ya ba wa bao ba obamelago fela. Khomišinare o beditše Baofisiri Bagolo ba Khuduthamaga (CEOs) go šoma le SARS go thuša go laolela merero ya motšhelo ya maloko a bona le bareki.

SARS le Ditheo tša Taolo tšeo di Tsebegago (ba dumetše go utulla mekgwa yeo dikoloto tša motšhelo tšeo di kolotwago di ka kolekiwago go ya ka Molao wa Taolo ya Motšhelo. Go fihla gabjale SARS e ikgafetše go phethagatša tshepetšo ye ka go koleka metšhelo yeo e kolotwago.

Khomišinara o ipileditše gore Ditheo tša Taolo tšeo di Tsebegago (di swanetše go thuša go kgonthiša gore obamelo ka boithaopo ke lenaneothero la ditherišano.

Go maatlafatša tirišanommogo yeo e tšwetšwago pele, SARS le Ditheo tša Taolo tšeo di Tsebegago (ba dumelelane go dira tše di latelago:

- Go ba le ditherišano tša ngwaga ka ngwaga / goba gabedi ka ngwaga magarenga ga Khomišinare le di CEO tša Ditheo tša Taolo tšeo di Tsebegago
- Go fa taetšo ya Foramo ya Ditshepetšo go dira ditshepetšo tša merero.
- Go hloma Komiti ya Semolao le Pholisi go rerišana ke merero ya semolao.
- Go hlama komiti ya sethekeniki ya go rarolla mekgwatšhomo le dikgaoletšo tša data.

Bakeng sa mesehlwana e itšeng, SARS e tla hlomagape foramo le mesehlwana ya Dikgwebo tše Kgolo le Ditšhabatšhaba le Batho ka noši ba Mahumo a Godimo Go ya ka selete, SARS e tlo fetoša Dikomiti tša Selete go šomana le merero ya tšatši ka tšatši.

SARS gape e tlo šomanagape le Mmotlolo wa go Fana ka Ditirelo tša Ditsebi tša Motšhelo le Ditheo tša Taolo tšeo di Tsebegago (ka go Lenanelo la yona la Mpshafatšo.

Khomišinare Kieswetter o lebogile Ditheo tša Taolo tšeo di Tsebegago (bakeng a morero wa tšona obohlokwa wa go thuša naga go sepetša ditlabele go fihlelela ditlhohlo tša bosetšhaba. O boletše gore “bobedi bja maloko bo gateletše bohlokwa bja ditherišano tša kago tša mabapi le ditlhohlo tšeo ba lebanego le tšona; tšwetšopele ya tirišanommogo; le dikanale tšeo di bulegilego tša poledišano go phethagatša tikologo ya motšhelo le khasetomo ka phethagalo. Go tloga go le bohlokwa kudu gore re maatlafatše obamelolo ka boithaopo ka kholego ya go thuša koleka ya ditšhelete tša naga, mekgwa le maitshwaro a mabotse a Ditheo tša Taolo tšeo di Tsebegago (, ditsebi tša motšhelo le balefela motšhelo”. Ka go sephetho, Khomišinare o boletše gore, “Dikoleka tša SARS tša palo ya go feta R23.3 trillion ge e sale e hlongwa, ga se palo e nnyane ka lebaka la karolo e kgolo yeo e bapetšwego ke Ditheo tša Taolo tšeo di Tsebegago”.

CEO ya RCB e amogetše ditherišano. Ba amogetše moya wa kgwebokgwerano ya tšwetšopele ya obamelolo ka boithaopo. Moemedi wa SAIPA Moh. Tia van der Sandt, o laeditše ka kgahlego “sebaka sa go maatlafatša kamano le SARS legatong la ditsebi tša rena tša motšhelo. Re dumela gore re na le maikarabelo ka moga ga rena a go aga naga ya rena e botse. Moh. Sesana sa SAIT o boletše gore setheo sa gagwe “se tšeela godimo kamano ya bona le SARS ka lebaka la gore ke kotse ya koleka ya ditšhelete tša naga tšeo e lego thekgo ya katlegoya naga”, gomme seo “bakeng sa SAIT, bjale ka Ditheo tša Taolo tšeo di Tsebegago (tše kgolo, ketelo ya Senthara ya Taolo ya SARS le go bona ka fao Bohlale bja Ekišo (AI) le data ya nako yeo di diragatšwego go tšwetšapele naga e bile pula mahlo le hlohleletšo.” CEO ya IACSA, Mra Prakash Singh o lebogišitše “ditherišano tše bohlokwa tša dihlogotaba tša maleba tša go ama Afrika Borwa ka bophara”. Mola CEO ya CIBA, Mra. Nicholas van Wyk a laeditše kgahlego gomme “o thakgadišwe ke maemo a godimo ao SARS e sepetšago merero ya rona ka dinako tša nnete”. O dumela gore “se se bea maemo a godimo lefaseng a mošomo o mokaone, go akaretša Afrika Borwa, gomme o ratile dikamano tša SARS le Ditheo tša Taolo tšeo di Tsebegago ( le ditsebi tša motšhelo go ba lebelela “bjale ka leano la badirišanimmogo la tshepetšo ya ditlabele tša naga”.

Ditherišano tše tša katlego di maatlafaditše kamano magareng ga SARS le Ditheo tša Taolo tšeo di Tsebegago (gomme Khomišinare Kieswetter o file ntlha ya go hleka ka gore “Gore re kgone go šoma ka kgwegokgwerano ya nnete le Ditho tša Taolelo tšeo di Ngwadišitšwego, le maloko a tšona ao a šomago bjale ka baeletši le baemedi ba balefela metšhelo, re swanetše go swarelela profešene maamong a godimo a maikarabelo, bobedi ka semolao le ka maitshwaro a mabotse”.

SEPHETHO